

丹臺新錄趙瞿字子榮時患癩疾垂死自厭入山以身投虎  
狼不歸忽遇異人授以服食法而疾除身體輕強年一百七  
十歲有少容臨卧時見二美女出入口鼻之間耳聞琴瑟之  
聲在人間三百餘年色如童子

真多朝元可居占斗

列仙傳李真多者神仙李脫之妹也隨兄修煉而兄授之以  
朝元之要行僅百年狀如二十許遇太上降授以飛昇之道  
今蜀中有真多治是也

高道傳道士任可居者不知何許人年四十木訥愿慙負囊  
事道士向道榮道榮憐其志以鎮元策靈寶訣付之戒曰十

道藏輯要

三洞羣仙集

三五

翼集五  
川文上

八年後方可以示人災福之驗勿窺榮利無妄傳授此道得  
之者神仙泄之者天枉可居自後漸言人休咎或爲人禳醮  
每占先令其人齋戒向壁列斗魁之像坐其前則禍福吉凶  
歷歷如見

李泌潑蒜叔茂種韭

鄴侯家傳李泌少時身極輕能於屏風上立有異人云此兒  
十五必昇騰父母惡之忽聞空中異香作蒜汁潑之恐其飛  
騰也旣長辟穀每道引骨節珊珊然人謂之鑱子骨嘗作歌曰  
天覆吾地載吾天地生吾有意無不然絕粒昇天衢不然鳴  
珂遊帝都焉能不貴復不去空作昂藏一丈夫